

Kampanja informiranja javnosti „Pravna sigurnost je zakon“



Prihvatljivo i održivo rješenje pitanja raspodjele imovine između države i drugih nivoa vlasti jedan je od pet ciljeva koje je Vijeće za provedbu mira postavilo u Programu 5+2, a radi ostvarenja dugoročnog cilja – Bosne i Hercegovine kao mirne i održive zemlje koja se čvrsto nalazi na putu evropskih integracija.

Uređenje pitanja državne imovine već 28 godina čeka odluku bh. institucija i političara. Rješavanjem ovog pitanja postiže se **pravna sigurnost**, što stvara prostor za strane i domaće investitore, što vodi razvoju ekonomije (turizma, poljoprivrede, malih i srednjih preduzeća...), što stvara nova radna mjesta, vodi većim prihodima države, odnosno boljim uslugama za građane.

S namjerom da podsjeti bh. javnost na ovu obavezu, te zato što je bitno da se ovo pitanje što prije riješi, Ured visokog predstavnika je u aprilu 2023. godine inicirao kampanju informiranja javnosti pod nazivom „Pravna sigurnost je zakon.“

Serijom infografika i animacija distribuiranih na društvenim mrežama i u elektronskim medijima, namjera je podsjetiti i informirati građane širom Bosne i Hercegovine šta podrazumijeva problem državne imovine, te na koji način on mora biti riješen kako bi se postigla dugoročna pravna

sigurnost, a imovina služila za dobrobit svih građana.

Animacije i infografike su dostupne na linku:
pravnasigurnost.ba

Uporedo sa ovom kampanjom informiranja javnosti, Ured visokog predstavnika je, uz podršku Upravnog odbora Vijeća za provedbu mira, pokrenuo ekspertski konsultacijski proces koji treba rezultirati setom stručnih mišljenja i informacija kako bi Parlamentarnoj skupštini BiH pružili pomoć u rješavanju pitanja državne imovine. U tom smislu, formirana je radna grupa koju čine istaknuti domaći i međunarodni pravni stručnjaci.